

CHANSON AN DURZUNEL

Calz amzer a meus collet
 O furchal ar c'hoajou,
 Vit surpren eun durzunel
 Cousquet var ar brancoù.
 Dévet a meus va amors,
 A tennet e meus fall.
 Achapet an durzunel
 An nijet er c'hoad all *(bis)*

Dious an nos hac ar mitin,
 O clévet lapoucet
 O cana o fredonin,
 Da veq ar goue pignet.
 Na neus nicun anezo
 Hac a biq va c'halon,
 Evel mouez eun durzunel
 O vouela d'e mignon.

Hirvoudi a ra nos de
 Gant ar boan, ar glac'har,
 Evel eun intanves paour
 Collet ganti e far.
 Na neus nicun anezo
 Hac a biq ma c'halon,
 Evel mouez an durzunel
 O vouela d'e mignon.

Petra, durzunel yaouanq,
 A dourmant da galon ?
 « Collet a meus, emezi,
 Va fidella mignon.
 Ma na zeu eur chasseur
 Da ober dia mervel,
 Me varvo gant ar glac'har
 Da va mignon fidel.

« Neus na souten, na remet,
 Na consolation
 Capabl da zon da galmin
 Tourmanchou va c'halon.
 Trec'het oun gant ar glac'har,
 Mont a ran da vervel,
 Mes ne varvin quet contant,
 Ma na varvan fidel. »

Guelet a meus o vervel
 An durzunel yaouanq,
 Dizec'het eo ma c'halon
 Gan ar boan an tourmant.
 En e huanad diveza
 En deus c'hoas repetet
 « A va mignon fidel, »
 Ractal eo tremenet.

Melzour scler a brillant
 Demeus ar fidelite,
 Ar model ar sincera
 Demeus ar garante.
 Nan, na vervin quet contant
 Ma na varvan fidel,
 Birviquen na zizonjin
 Maro an durzunel.

"Le Citoyen" (Suzanne) Nos. Du ... mas a du 10 mai 1913.